

891.995

Q-15

Муниципальное предприятие
«Степурман»
С. С. Степурман
Иркутск ул. № 7

30 MAY 2011

ԷՄՄԱՆՈՒԷԼ ՔԱՀ. ՆԱԶԱՐԵԱՆՑ

ՈՏԱՆԱԻՈՐՆԵՐ

(ԵՐԵԽԱՆԵՐԻ ՀԱՄԱՐ)



15 ՊԱՏԿԵՐՈՎ

ՄՈՍԿՈՒԱ - 1903

891.99 15-5

9-15 5

պր ԷՄՄԱՆՈՒԷԼ ՔԱՀ. ԿԱԶԱՐԵԱՆՑ

№: 8953

ՈՏԱՆԱԻՈՐՆԵՐ

(ԵՐԵՒԱՆԵՐԻ ՀՍ.ՄԱՐ)

Գիրքը մի ծառ՝ վրան կեռաս,
Երբ որ ձեռքդ առնես կարդաս,
Միայն տերև՝ը մի շրջեր,—
Նայէ՛ պտղին համը տեսնաս:
Գաբր. եպիսկ. Այվազեան:

15 Պ Ա Տ Կ Ե Ր Ո Վ



ՄՈՍԿՈՒՍ.
Տ Պ Ա Ր Ա Ն Ք. Բ Ա Ր Խ Ո Ւ Դ Ա Ր Ե Ա Ն Ի.
1903.

253.128
2

1001
9849

81711

ԵՐԿՈՒ ԽՕՍՔ

Дозволено Цензурою. С.-Петербургъ, 15 Юля 1902 года.


Երեխայական գրքոյկների մի բաւական զգալի պակասու-
 թիւն է նկատուում մեզնում վերջին տարիներս: Կամենալով
 ուժերիս ներածի չափ բաւարարուծիւն տալ այդ ամենակարևոր
 պահանջին՝ ես մտածեցի մի փոքրիկ բան գրել մեր երեխաների
 համար: Եւ, աչքի առաջ ունենալով այն հանգամանքը, որ յան-
 զաւոր գրուածքները աւելի սիրով են կարդացվում, քան անյանգ-
 ները՝ ես, իբրև փորձ՝ վձռեցի մի-երկու ոտանաւոր գրել, ա-
 ուանց, սակայն, մեր բանաստեղծների շարքը խտացնելու յաւակ-
 նութիւնն ունենալու: Պէտք է աւելացնեմ մի և նոյն ժամանակ, որ
 այս առաջին անգամ, ինձնից անկախ պատճառներով, չկարողացայ
 առանձին ուշք դարձնել գրքոյկի շքեղութեան վրայ:

Ինչ վերաբերում է առաջարկած նիւթերիս յարմարաւոր ու
 շահեկան լինելուն կամ չլինելուն՝ դրա մասին իրանք գրած-
 ներս կիսուեն: Այսքանը միայն կաւելացնեմ, որ ցանկանալով մի
 փոքրիկ ծառայութիւն անել մեր փոքրիկ կարդացողներին՝ ես
 մի և նոյն ժամանակ տալիս եմ նրանց և՛ մի քանի «ուղղա-
 գրական», հեշտ ըմբռնելի «կանոններ»:

4 ապրիլ 1902.
Մօսկվա.


Է. ք. Ն.

Типография Х. Вархударянъ, Срѣтенка, Мясной пер., д. Бѣлева.



ԻՄ ԽԵԼՈՔ ԿԱՐԴԱՑՈՂՆԵՐ՝

ՏՂԱՆԵՐ ՈՒ ԱՂԶԻԿՆԵՐ,



Եր քաղաքներում ու գիւղերում գեղեցիկ ու լաւ լաւ բաներ շատ կան: Նրբանցից մի քանիսը ինքնիրդ էլ աեսած կամ լած կլինէք: Բայց գիրք կարդալու պէս լաւ բան չկայ: Գիրքը մեր ամենալաւ ընկերն է, որովհետեւ միշտ

մեզ հետ է, և սրտներին ուղած ժամանակը հետներս խօսում է: Բաւական է, որ մօտենանք նրան ու երեսը բաց անենք՝ իսկոյն կսկսի խօսել:

Նա մի և նոյն ժամանակ մեր ամենալաւ բարեկամն է: Պարագ ենք լինում՝ մեզ զբաղեցնում է, բան չենք զխտնում՝ հասկացնում է, մոռացած ենք լինում՝ յիշեցնում է, տխուր ենք լինում՝ ուրախացնում է: Շատ անգամ էլ այնպիսի սիրտ կտրատող բաներ է պատմում, որ լացեցնում է մեզ: Բայց մենք այդ լացից էլ ենք շնորհակալ լինում:

Այդ բաները մտածելով՝ ես էլ ահա մի փոքրիկ բան եմ գրել ու գրել ձեր առաջը: Կարդացէ՛ք ու շաղրու թեամբ: Կարելի է, գրածներին մէջ մի այնպիսի բան գտնէ՛ք, որ ձեզ օգնուտ տայ: Եւ եթէ, ինչ նոր բան որ սովորէ՛ք, սիրէ՛ք այն, ու մի թանկագին բանի պէս պի՛նդ պահպանէ՛ք, հաւատացէ՛ք որ միշտ շնորհակալ կլինէ՛ք:




ՆԻԻԹԵՐԻ ՑԱՆԿԸ

I. Կ Ա Ր Դ Ա Լ Ո Ի Բ Ա Ն Ե Ր

	Երես.
1. Սիրած - չսիրած բաներ	9
2. Ի՞նչը ի՞նչ արեց	12
3. Ո՛ր ամսին ի՞նչ տօն ունենք	14
4. Մեր մեծ տօները	17
5. Ի՞նչն է լաւ	22
6. Իմ աղօթքը	25
7. Առանց մօր	26
8. Մայր ու մանուկ	28
9. Մեծ - մայր	30
10. Ի՞նչն է վատ	32
11. Կարգ ու կանոն	35
12. Աստու անէծքը	37
13. Մեր պարտքը	41
14. Մեծ - մօր օրհնանքը	44
15. Լեզու	46
16. Ուղղախօսութիւն	49

II. Գ Ր Ե Լ Ո Ի Կ Ա Ն Ո Ն Ն Ե Ր.


17. Ուղղագրութիւն	51
18. Նոյնահնչիւն բառեր	55
19. Ռ Է Ր (նման բառերի մէջ)	57
20. «Ռ» ունեցող բառեր	59
21. Փոքրիկ աղջիկ	61



ՈՏԱՆԱԻՈՐՆԵՐ

(ԵՐԵՆԱՆԵՐԻ ՀԱՄԱՐ)

II. ԿԱՐԴԱՂՈՒ ԲԱՆԵՐ



1. ՍԻՐԱՆԻ - ՉՍԻՐԱՆԻ ԲԱՆԵՐ

« սիրում եմ լոյս աբև,
Որ վառվում է իմ վերև.
Նա է տալիս աչքիս լոյս,
Տալիս է և՛ կեանքի յոյս:»

Ես սիրում եմ լուսնիակ՝
Վառ լապտերը բոլորակ.
Լուսին—գիշեր միշտ ամառ
Ցերեկ է ողջ մեր աշխարհ:

Ես սիրում եմ և՛ աստղեր՝
Մանր պէճ-պէճ այն կայծեր.
Փայլվում են, պսպղում
Ամենքն իրանց միշտ տեղում:

Անձրեւն էլ եմ սիրում շատ՝
Սար ու ձոր է ծաղկեցնում.
Կաթիլներով իր առատ՝
Հացով, իւղով լիացնում:

Սիրում եմ և՛ ծիածան՝
Կանաչ-կարմիր, զանազան.
Անձրեւից յետ երկնքում
Կամարի պէս է ձգվում:

Սիրում եմ ես փուխը ձիւն՝
Փայլուն, տաքուկ, լայն վերմակ,
Որ տալիս է քաղցր քուն
Ցանաճ սերմին և հասակ:

Ես չեմ սիրում սառ կարկուտ՝
Երկնից թափվող գնդակներ.
Փշրում են տան լուսամուտ,
Ջարգում ծառեր, պտուղներ:

Չեմ սիրում ես յուրա քամին,
Քշող, տանջող ամպերին.
Փռչով աշխարհ ողջ լցնում,
Մարդու աչքեր կուրացնում:

Հուսին, աստղեր ու արև,
Ձիւն, ծիածան ու անձրե՛
Ապրե՛ն բոլոր միշտ տարին,
Կորչե՛ն կարկուտն ու քամին:





2. ԻՆՁԸ ԻՆՁ ԱՐԵՑ

Կաւ գարուն, մեզ բերեց
Պայծառ ու պարզ, մեղմ օրեր,
Եւ դաշտերին նա տըւեց
Ինչ որ ունէր՝ լաւ բաներ:—

Փունջ մանուշակ գիժ մարտին,
Կոկոն, տերեւ, ապրիլին,
Հոտոտ վարդեր մայիսին՝
Լցրեց պարտէզն ու այգին:

Եկաւ ամառ՝ շոգ — կըրակ
Օրեր բերեց մեզ համար,
Նեան էլ ջրեր սառնորակ,
Մրգեր անթիւ, անհամար:—

Կանաչ վարունկ յունիսին,
Մեծ ձմերուկ յուլիսին,
Օգոստոսին՝ դեղձ, խաղող՝
Կանչում իրանց միշտ քաղող:


Եկաւ աշուն հով ու զով,
Մերկացրեց դաշտ, այգի.
Լցրեց տարվայ պաշարով,
Փռաւուրեց սիրտ հողի:

Սեպտեմբերը մեզ տըւեց
Մերկէիլ ու մեղրոտ թուզ՝
Նուրբ մեքերն ու նոյեմբեր՝
Կարմիր գինի և ընկուզ:

Եկաւ ձմեռ ու բերեց
Ցուրտ ու սառուց, մութ օրեր,
Կտուր ու բակ նա լցրեց
Աչք կուրացնող ձեան շեղջեր:

Դեկտեմբերը բրդում է
Բամպակի պէս քուլաներ.
Յուն վարն ու կարճ փետրվար՝
Նախշում տան լուսամուտներ:

3. ՈՐ ԱՄՍԻՆ ԻՆՉ ՏՕՆ ՈՒՆԵՆՔ



ունվարին մենք ունենք
Ծնունդ,
Փետրվարին՝ Տաճար —
Գալուստ,
Մարտը բերում մեզ
սուրբ Զատիկ,


Հեռն էլ՝ մի թունդ նաւակատիք*):

*) Մեծ տօներն նախընթաց երեկոներին հայերս մնեղէն կերակուր չենք ուտում: Սյդպիսի երեկոն ասվում է նաւակատիք: Տարվայ մէջ ունենք հինգ նաւակատիք, այն է՝ Զրօրհնէքի, Զատիկի, Վարդավառի, Վերափոխման և Ս. Խաչի:

Ապրիլին մեզ մեծ Աւետում,
Մայիս՝ երկինք վեր համբարձում:
Յունիսը մեզ բերում վերուստ
Շնորհք բաժնող հողու Գալուստ:

Յուլիսը միշտ փայլուն, պայծառ՝
Բերում է մեզ սուրբ Վարդավառ:
Օգոստոսը՝ վեր երկնքում —
Մաքուր Կոյսի Վերափոխում:

Սեպտեմբերը՝ Կոյսի ծնունդ,
հոկտեմբերը չունի սերունդ:
Նոյեմբերը՝ Կոյս ընծայում
Երեք ամաց՝ սուրբ տաճարում:



Մեր եկեղեցական տոները միշտ մի և նոյն ժամանակ չեն տօնվում: Նրանցից մի քանիսը ամէն տարի տօնվում են մի և նոյն ամսին ու ամսաթիւին, և ասվում են անշարժ տոներ: Մի քանիսն էլ տօնվում են յետ ու առաջ, ուրիշ-ուրիշ ժամանակ, և ասվում են շարժական տոներ: Զատիկը գլխաւոր շարժական տօնն է: Զատիկն նայելով՝ փոխվում են և՛ միւս շարժական տոները:

ԱՆՇԱՐՇ ՏՕՆԵՐԸ.

1. Քրիստոսի Մնունդը
2. Քրիստոսի Մկրտութիւնը } յունվարի 6.
3. Քրիստոսի Անուանակոչութիւնը— յունվարի 13.
4. Քրիստոսի Քառասնօրեայ՝ տաճար—գալուստը (Տեառն ընդառաջ)—փետրվարի 14.
5. Աստուածածնի Աւետումը— ապրիլի 7.
6. Աստուածածնի Մնունդը— սեպտեմբերի 8.
7. Աստուածածնի Ընծայումը տաճարին— նոյեմբերի 21.
8. Աստուածածնի Յղութիւնը Աննայից— դեկտեմբերի 9.

ՇԱՐՇԱԿԱՆ ՏՕՆԵՐԸ.

1. Քրիստոսի Յարութիւնը (Զատիկը) — մարտի 22 - ից մինչև ապրիլի 25 (մէկից վաղ, միւսից ուշ՝ Զատիկ չի՛ լինի.)
2. Քրիստոսի Համբարձումը— ապրիլի 30— յունիսի 3.
3. Ս. Հոգու Գալուստը— մայիսի 10— յունիսի 13.
4. Քրիստոսի Պայծառակերպութիւնը (Վարդավառ.) — յունիսի 28—օգոստոսի 1.
5. Աստուածածնի Վերափոխումը—օգոստոսի 12—18.
6. Ս. Խաչ (Խաչվերաց)—սեպտեմբերի 11—17.



4. ՄԵՐ ՄԵԾ ՏՕՆԵՐԸ

աթախման մեծ, ուրախ օրին՝
 ժամաշապիկ ձեռք բերելով,
 Դուռ ծեծելով կէս-գիշերին՝
 Ման ենք գալիս «Խորհուրդ մեծ»-ով:

Ջրօրհնէքին ջուր ենք օրհնում,
 Կանաչ մեռն կաթած ջրից՝
 Շիշ-ամանով առն ենք տանում,
 Աղաչելով տէր, տիրացուից:



Երբ Սուրբ Սարգիս ենք մենք տօնում,
Ծով ենք պահում ամբողջ հինգ օր,
Մեղրաշաղխ փոխինտ ուտում,
Քաղցրացնում մեր բերան բոլոր:

* * *

Գալիս է շուտ Տէր ընդ առաջ,
Տան բակերում խոտ ենք դիզում,
Վառած մոմեր առնում քաջ-քաջ՝
Եկեղեցուց տուն ենք տանում:

Ամբողջ բակը փայլ-փլում է
Խոտ ու ցախի առատ բոցից,
Եւ անդադար՝ ո՛վ ուղում է,
Լոք է տալիս*) ամէն կողմից:

* * *

Լուսաւորչին սուրբ բեմը բաց՝
Լոյս Յիսուան է վերան բաղմած.
Գրիգոր պապի թռուներ, ծոռներ
Լի են ժամի մէջն ու դռներ:

*) Վրայովը թռչում է:

Ծաղկաղարգին, քնից ելած՝
Մեծ ու փոքրով ժամ ենք շտապում,
Ստում են թէ՛ Քրիստոս Աստուած
Երուսաղէմ փառքով մտնում:

Ոսքերի տակ հին հրէաներ
Ծառերի ճիւղ, ոտա՛ին փռում,
Մենք ուռենիք և մեր սրտեր,
Մեր անձ, մեր գանձն ենք նւիրում:

Փարիսեցիք*) չար նախանձով
Փուշ պատրաստում, խաչ են անկում,
Մենք այն խաչին զուլխ տալով՝
Հոգով, սրտով ծունկ խոնարհում:

* * *

Հին գշաբթի օր, անունն Սւաղ,**)
Քահանաներ, կանգնած բեմում՝

*) «Փարիսեցի» ասում էին այն հրէաներին, որոնք մի-միայն Մօսէս մարգարէին էին մարգարէ ընդունում: փառասէր ու փողասէր մարդիկ էին, և դրսից լաւ, բարի ու սուրբ երեւալով՝ ուրիշներից փողեր էին գջլում: Մեզնում փարիսեցի անուանում են «կեղծաւոր» մարդուն, որ ուրիշներին այնպէս է ցոյց տալիս, թէ ինքը շատ լաւ, բարեպաշտ ու հաւատացող մարդ է:

***) Մեծ-պատի վերջին կամ եօթներորդ շաբաթը

Սուրբ հանդեսով օրհնում կարագ,
Տեսնողների խելքը տանում:

Շարահանի մեղմ ձայնի տակ
Աւագ տէր-հայր ծունկ է չոքում,
Շառայի պէս՝ կապած ղենջակ՝
Մեծ ու փոքրի ոտք լվանում:

* * *

Ահա եկաւ և՛ մեծ Չատիկ,
«Քրիստոս յարեալ ի մեռելոց»,
Խնդում, ջնճում բոլոր մարդիկ,
Տղերք առած՝ վաղում փողոց:

Այստեղ փոքրեր, այնտեղ մեծեր՝
Կարմիր հաւկիթ միշտ կոտրատում,
«Մա՛, մէ՛» ձայնով փափլիկ դառներ
Երկինք, երկիր զղբոցեցնում:

* * *

Քրիստոսի մատնութեան, չարչարանքի, խաչվելու, թաղվելու և յարութիւն առնելու շաբաթն է: Այս պատճառով այդ շաբաթվայ ամէն օրը մեծ օր է, կամ ուրիշ խօսքով՝ աւագ օր է: Ասում ենք աւագ երկուշաբթի, աւագ երեքշաբթի, աւագ չորեքշաբթի, աւագ հինգշաբթի, աւագ ուրբաթ, աւագ շաբաթ, Չատիկ:

Ջրօրհնէք, Չատիկ՝ քահանաներ,
Շուրջառ առած՝ տուն են օրհնում:
Մի կողմից էլ գերեզմաններ
Խնկան անուշ հոտ են բուրում:


Հարուստ մեռի ոտ ու գլխում
Տէր, տիրացու, ուրախ կանգնած՝
Սուրբ երգեր են կըլ-կըլացնում՝ *)
Ղարիբ մեռել անտէր թողած:

Ղարիբ մեռել, հողէ՛դ զուբբան, **)
Աղօթք արա, ես մեծանամ:
Մուշկից, Վանից — ի՛նչ մեռել կան՝
Գերեզմաննից օրհնել պիտ՝ տամ:



*) Ուրախ երգում:

**) Հողէ՛դ մեռնեմ:



5. ԻՆՉՆ Է ԼԱԻ

Ուաւօտը, հով ժամանակ,
Ամառ լինի կամ թէ գարուն,
Խեղզող օդից դուրս գաս մենակ,
Սարեր, դաշտեր ման գաս սիրուն:

Ոտքիդ տակը՝ կանաչ գորգեր,
Գլխիդ վերև՝ կապոյտ կամար,
Իսկ չորս կողմի՝ երգող ծառեր,—
Ի՞նչ արժէ սա մարդուս համար:

Սյստեղ ծաղիկ, այնտեղ տերև,
Բոլորն էլ քեզ զլուխ խոնարհած՝
Խնդում են և տալիս բարև,
Խելք ու միտքդ յափշտակած:

Թուփ ու ճառի ոտքերի տակ
Ձայն ես լսում, ետև նայում,—
Պաղ աղբիւրի ալեակ, կոհակ
Գըլորվելով՝ ցած են թափվում:

Ի՞նչպէս մարդուս ներսի կողմում
Սյդ զընդ-զընգոց ու քնքշիկ ձայն
Սիրտ, հոգի է փառաւորում
Եւ նորոգում միանգամայն:

Ըզգում ես որ դու չե՛ս մենակ,
Սյլ քո շուրջը ամէն մի ծառ,
Աղբիւր, թուփ, խոտ և մանուշակ,
Թռչուն, թիթեռ, կարճլիկ մայառ,—

Լեզու առած՝ ձայն են տալիս,
Ականջիդ տակ խօսում մեղմիկ,
Եւ ամէն տեղ, ողջունելիս,
Խօսքեր ասում՝ սրտիդ մօտիկ:

Այն, նրանք լեզու ունեն,
 Աշխարհն ինքը մի բաց գերբ է.
 Նա է խելօք, ով այբ ու բէն,
 Ով այդ գերբը կարդալ զիտէ:



6. ԻՄ ԱՂՈԹՔԸ



Մեր ճայր, որ
 էն բարձ-
 րունն ես,
 Մենք նրտեղ,
 Դու նրտեղ ես.
 Ի՛նչ որ ուղենք,
 խնդրենք Բեզ՝
 Դու ամէն բան
 Հասցրու մեզ:—

Զմեռն ուղարկիր փայտի դէզ,
 Երբ մերկ լինենք՝ ծածկիր մեզ,
 Որ աչքնիրըս դարձնենք Բեզ,
 Փառք տանք, օրհնենք, երգենք Բեզ:

Ամառ գալիս անձրև տուր,
 Մեր արտերին հաստի տուր.
 Նեղ տեղ ընկնենք՝ Ա՛ջըդ տուր,
 Դու՛քըդ փռենք ամէն-ուր:





7. ԱՌԱՆՑ ՄՅՐ

Նչե՛ց է որ, աննշ մայրիկ,
Երբ զնում ես որ և է տեղ,
Միշտ տրրամում է այս մեր տընիկ,
Քեզ փնտռում եմ ես ամէն տեղ:

Շատ անգամ ես լաց եմ լինում,
Թէպէտ արցունք չեմ է՛լ թափում.
Պատճառն ի՞նչ է, որ առանց քեզ,
Լուռ է մեր տուն՝ մեռելի պէս:

Իմ խաղերը և իմ գործեր
Թողնում եմ ու զնում, պառկում,
Մտքիս մէջը, ան, քո պատկեր
Հայելու պէս է նկարվում:

Այնուհետեւ ես համբում եմ
Րոպէները վերագարձիդ,
Եւ հէ՛նց որ քեզ նկատում եմ,
Փայլ եմ տեսնում վառ երեսիդ:

Եւ յետոյ մեր խաւար պատեր
Լոյս են առնում այդ երեսից,
Խաղըս յիշում և իմ գործեր
Ձեռք եմ առնում ես նոր-մէկից:





9. ՄԵԾ-ՄԱՅՐ

այրն էլ լաւն է,
մայրն էլ լաւն է,
Ո՛վ լաւը չէ՛
որդու համար.

Բայց մեծ-մայրը լաւի
լաւն է
Իր աչքի լոյս թոռան
համար:

Այս պատճառով և մեր Աշոտ
Չէ՛ հեռանում մեծ-մօր գրկից,

Որ առնում է իր ջերմ հարօս՝
Հաստեղով միշտ թոռնիկից:

Նա հերթով իր թոռնիկներին
Մեծացնում է իր ձեռքի տակ,
Ինչպէս հաւը ձագուկներին
Առնում է իր թռեղի տակ:

Երանի՛ քեզ, սիրուն Լուսիկ,
Մի մայր ունես, երկու մեծ-մայր.
Չե՛մ տեսել ես ո՛չ մի հատիկ,
Չե՛մ իմացել՝ ի՞նչ է մեծ-մայր:

Մի պատկեր կայ՝ մեր պատից կախ.
Մայրըս կասէ՛ «Մի քո մեծ-մայր»:
Երբ նայում եմ, սասում եմ՝ «Միս,
Ի՞նչ կը լինէր, կենդանանայր»:





10. ԽՆՁՆ Է ՎԱՏ

Առաւօտ վաղ, մաքուր օդին,
Գարուն լինի կամ թէ ամառ,
Գլուխըդ դրած փափուկ բարձին՝
Խռմփացնում ես դու քեզ համար:

Թող աշխարհքը ոտքի՛ կանգնած՝
Ամէն մարդ իր դործին լինի.
Թող արեւը վեր բարձրացած՝
Խանձի, մրկի՛, ինչ պատահի.

Թող թռչնիկը սուր աղմուկով
Գլուխ տանի, ականջ ծակի,—

Միայն թէ քեզ ձայն տայ ոչ-ով՝
Խորը քունըդ անուշ լինի:

Բայց կահուղ բարձ, փափուկ ներքնակ,
Լաւ իմանաս՝ ցաւի բուն է.
Թ՛թուած օդը, փակված սենեակ
Ո՛վ շատ սիրի՛ բանը բուրդ է*):

Մինչ ուրիշներ վաղուց հազած,
Դաս պատրաստած, նախաձաշած՝
Իրար ետքից շարան-շարան
Շտապում են դէպ՛ ուսումնարան,—


Դու ձգված ես տաք անկողնում,
Իսկ գրքերըդ անկիւններում՝
«Վայ» են տալիս՝ կուրծքները բայ,
«Տէ՛ր» են կանչում՝ աչքները թայ:

Ոսկի՛ է քո ամէն մի ժամ,
Կը զարթուս, բայց ո՛ւշ կը լինի.
Կը նստես դու անդործ՝ անբան,
Լաց ու կոծը էլ չի՛ն օգնի:

*) Հիւանդոտ կդառնայ.

Ի՛նչ աղքատ իր բախան է ողբում,
Էրնէ՛կ տալով անցած օրին.
Ի՛նչ թշուառ մեծ փողոցներում
Ձեռք է պարզում անցորդներին.

Ի՛նչ աւազակ խուլ տեղերում
Կողոպտում է ճամփորդներին,—
Քեզ պէս անհող, ծոյլ են եղել,
Պարապ, անգործ թրբե եկել:



11. ԿԱՐԳ ՈՒ ԿԱՆՈՆ

աղա՛, ի՛նչքան ու-
ղում ես,
Արա՛, ի՛նչ որ կամե-
նաս.

Բայց թէ մի կարգ չը պահես,
Ողբմեղի կը մնաս:


Խաղ ու պարի հետ ընկած՝
Թէ ժամերը չը համրես,
Արեն արդէն մայր մտած՝
Թէ դասերը նոր յիշես.

Թէ գիշերով չը կախես
Շորերըդ մի յայտնի տեղ,
Գիրք ու տետրեր մշտապէս
Թէ փրնտուես դու ամէն տեղ,

Այսօրվայ գործ թէ վաղվան
Թողնես, ասես՝ «Սա հեշտ է».
Դժուար, ծանր թէ մի բան
Անշարժ թողնես, —ի հարկէ,

Վաղն էլ ի՞ր «դարդ» կունենայ:
Բայց թէ «փուշը դու մէկ-մէկ
հանես», գործը հեշտանայ՝
Ամենք կը տան քեզ «էրնէ՛կ»:

Խելք մարդու թէ խօսքին
Լսես, կասէ՝ «Ձեռ կանցնի
Կեանքի կէսից աւելին՝
Առանց կարգ ու կանոնի»:



12. ԱՍՏՈՒՈՒ ԱՆԷԾՔԸ



ստուած մարդուն երբ դուրս արեց,—
Կինն էլ հետը,—կանաչ դրախտից՝
Բացեց նա աչք և նկատեց,
Որ զօկվել է փառք ու պատուից:

Այնտեղ ամէն բան պատրաստ էր,
հացի, փողի կարիք չը կար.
Դեռ Աստուած էլ իրանց հետ էր,
Ցաւից, պատժից երկիւղ չը կար:

Նա անիծեց, ասեց այսպէս.
«Տող էիր դու, էլ հող դառնաս.
Քրտինք թափես, որ հաց ճարես,
Ազգ ու տակով տանջվես, անքաս»:

Մարդ ու կնիկ դուրս գնացին,
«Ախ» արին փակ դռան ետեւ.
Վերջին անգամ ներս նայեցին,
Ձեռքները բան չընկաւ թէև:

Լաւ զննելով հեռու թէ մօտ՝
Աչք ածեցին իրանց բոլոր,—
Տեսան—աշխարհ՝ քարոտ, փշոտ՝
Արտասուեցին ոլոռ - ոլոռ*):

Մարդ ու կնիկ իրանց որդով,
Քար ու երկաթ բրիչ շինած՝
Դաշտ փորեցին դառ քրտինքով,
Տուն շինեցին՝ հալից ընկած:

Քաղց ու սովեց շատ մաշվելով՝
Փուշ քաղեցին, հող վարեցին.

*) Ոլոռը սիսեռն է: Ոլոռ - ոլոռ արտասուել նշանա-

Առուակի սէս քիրտ*) թափելով՝
Իրանց ապրուստ, հաց ճարեցին:

Գիշերները նրանք խաղաղ
Քուն ին մանուկ, մտածելով՝
«Ի՞նչքան լաւ է՝ հովին վաղ - վաղ
Գործ շինելը մեր կոշտ ձեռքով»:

Իրանց անկած ծառի ստուերում
Երբ որ ուրախ նստում էին,
Աշխատանքի ստուղն ուտում,
Նախկին օրեր յիշում էին՝

Իմացան որ փափուկ մեր կեանք
Մեծ վնաս է հողուն, մարմնին,
Գործն ու ջանքն է և մարդու կամք՝
Մարդ շինողը ամէն մէկին:

Իրանց քիրտով ցօղված դաշտում
Այնուհետև սրտի խորքից

կում է՝ սիսեռի չափ արտասուքի մեծ - մեծ կաթիլներ
թափել:

*) Քրտինք:

Երգում էին ու զոհանում*)

Ինչպէս պատուից**), այնպէս պատժից***):

«Թէ որ Աստուած, այսքան—ասին—

Քաղցր ու համով է Քո անէծք՝

(Արժանանանք մենք այն օրին)

Ինչ կը լինի Քո սուրբ օրհանք»:




*) Շնորհակալութիւն անում:

***) Այն պատուից, որ ստանում էին դրախտում եղած ժամանակ:

***) Այն պատժից, որ ստացան՝ դրախտից դուրս իրանց քրտնքով հաց ճարելու համար:

13. ՄԵՐ ՊԱՐՏԵՐ



է ամէն մարդ մենակ ապրէր,

Կամ ամէն տուն լոկ ի՛ր համար:

Մէկի մասին հոգ չը տանէր,

Սյլ՝ սեփական զլիւի՛ համար:

Չօգնէր երբէք իր խեղճ եղբօր,

համրէր ոսկիք իր անհամար,—

Կը ջընջվէին մարդիկ բոլոր,

Կը վերջանար արար աշխարհ:

Կողքիդ դրացին չունի չոր հաց,

Սիրտը փակ է, աչքը՝ միշտ թաց:

Դու ուտում ես մեղը ու կարագ,

Նրան խրատում ծանր ու բարակ:

Գործ տուր, սիրտ տուր աշխատողին,

Խրատըդ պահի՛ր ծոյլի համար:

Ձեռք տուր, օգնի՛ր հասկացողին,

Ոտքի կանգնի, դանի պատառ:

Կարօտ մարդու ի՛նչ տալիս էս,
Թէ՛ փող, թէ՛ գործ զու քեզանից՝
Ողորմութիւն չպէ՛տք է կարծես,
Սյլ՝ քիչ-քիչով խլած նրանից:

Գիտեմ, որ զու կը զարմանաս
Իմ այս ասած խօսքի մասին.
Թող պատմե՛մ քեզ, որ հասկանաս,
Ի՛նչպէս մէկը զրկեց տասին:

Կար ժամանակ, բոլոր մարդիկ
Միատեսակ հարուստ էին.
Ունէին տուն, ամէն բարիք,
Ոչի՛նչ բանի կարօտ չէին:


Անցաւ քանի հարիւր տարի.
Ուժով, խելքով ո՛վ որ քաջ էր՝
Չուզեց ապրել մարդավարի,
Որովհետեւ միտքը ծուռն էր:

Հասաւ, ընկաւ միւսնորի վրայ,
Յափշտակեց, ի՛նչ ունէին,
Օր ցերեկով ու աշքարա,
Աղքատացրեց բոլորովին:

Հիմա, ի՛նչ որ մենք տալիս ենք
Խեղճի, որբի՝ մսխալներով*),
Սյն է, ի՛նչ որ մենք խլել ենք
Սյն թոյլերից՝ տաս փութերով:

Երբ մի թշուառ մարդ դիմում է՝
Իէս՛ քեզ պարզած անցոյս իր ձեռք,
Գիտցի՛ր՝ տալը միշտ քօ պարտքն է,
Առնելը նրա՛ սուրբ իրաւունք:

Սյս է կեանքի ու մեր պարտքի
Ոսկի կանոն՝ ձմեռ, ամառ, —
«Մէկը ապրի միշտ անենքի,
Ամենքը՝ միշտ մէկի՛ համար»:



*) Փութը ունի 40 ֆունտ. ֆունտը ունի 32 լօտ, լօտը՝
3 մսխալ (զալաանիկ, ЗОЛОТНИКЪ):



14. ՄԵԾ-ՄՕՐ ՕՐՀՆԱՆՔԸ

Օրհնում եմ քեզ, Հայր դառնաս զու,
 Անդին Վահան, Հայ մեծանաս.
 Օրհնում, ինչպէս Թուան, որդու
 Հայր Աբրահամ: Պապիկ դառնաս:

Գիր, թուղթ սիրես,
 Գրիչ դառնաս.
 Լեզուդ սիրես,
 Վրբան դո՛ղաս:

Առթ դէմքիդ
 Միշտ ունենաս.
 Խիղճը սրտիդ
 Մէջ ունենաս:

Տասը լեզու
 Թէկուզ սովըես,
 Քոնը ոսկու
 Հեա չը փոխես:

Կրճքիդ տակում
 «Մխ» չունենաս.
 Սրտիդ ծալքում
 Վախ չունենաս:

Չեաքրդ, ծոցրդ
 Լի ունենաս.
 Տունրդ, դուռըդ
 Բայ ունենաս:

Դէ, քեզ տեսնեմ,
 Սիրուն սրղաս.
 Ես քեզ օրհնեմ,
 Դու զօրանաս:





15. ԼԵՂՈՒ

Հխարհուժրս ամէն
բան
Ունի իր ձայն, իր
լեզուն,

Թէ՛ բանահան, թէ՛ անբան
Եւ թէ՛ ամէն անասուն:

Ամէն ազգ էլ հէնց այսպէս՝
Ունի լեզու իր համար.
Ունի իր գոյն և իր ծէս,
Խօսք ու զրոյց շատ յարմար:

Թէ՛ դու ազգ ես, մէկ անուն,
Մի ձայն ունես քեզ համար.
Ունես լեզու և կանոն,
Խօսքեր, մտքեր անհամար՝

Ամէն տեղ և ամէն ժամ
Պէտք է յոյց տաս դու քո գոյն,
Եւ քո լեզուն՝ վարժ թէ՛ խամ՝
Դուրս գայ, մտնի իր խոր բուն:


Քո այդ խօսքերն ու լեզուն
Մօրըդ կաթով են շաղված.
Սյդ կաթի մէջ լեփ-լեցուն
Իր շունչ հոգին են մտած:

Ուրիշ լեզու քո բերնում
Չի՛ տայ համ, հոս լսողին,
Թէ՛ հայ է նա համարվում
Հոգով, սրտով լիովին:

Հոգ չէ՛, թէ՛ գանձ կորցրնես,
Քիչ-քիչ նորը կը ճարես.
Իսկ թէ՛ լեզուդ մեռցրնես՝
Տուն ու տեղով կորսճ ես:

Իմացվել չի՛, դու ո՞վ ես,
Հայ, ուսս, գերման թէ՛ պարսիկ,
Մինչ քեզ անուն դնում ես՝
Ժօրժիկ, Վիկտօր և Լիւզովիկ:

Բայց թէ կեանքիդ դու անխաբ
 Կուզես տալ մի նպատակ,
 Պատւի՛ր լեզուդ դիւի՛դ չափ,
 Որ չընկնի նա ոտքի տակ:



16. ՈՒՂՂԱԽՕՍՈՒԹԻՒՆ



Ըբ ուղում ես մէկ միտք
 յայտնել
 Քո մայրինի սիրուն լեզուով,
 Միշտ աշխատիր ուղի՛դ
 խօսել,
 Ճիշտ ու մաքուր և կանոնով:

Ուղիդ ու ճիշտ նա է խօսում,
 Ումից հայ հոտ, համ է գալիս.
 Ըզգում ես՝ բուն հայն է խօսում,
 Խօսքն ու զրոյցը դուր է գալիս:

Կան և այնպէս խօսող հայեր,
 Մարդ կարծում է, թէ հայեր չեն.
 Իրար կողքի շարում խօսքեր,
 Բայց ասածներ հայերէն չեն:

Պատճառն այն է, որ, ասում են՝
 Տան մէջ լսվում չէ հայերէն.
 Ամէն լեզու միշտ խօսում են,
 Հայերէն՝ ոչ, — միլիոններէն*):

*) «Մլթօնի» ասում են կրակապաշտներին.

Մաքուր խօսել թէ ուզում ես,
Կարգ ու կանոն միշտ պահպանիր.
Կուտը ցորնից, թէ կարող ես,
Խնամքով հաս-հատ ընտրի՛ր, հանիր:

Անուշագիր երբ ասում ես
Մէկ սիրուն խօսք, մէկ կոպիտ բառ.
Ասածիդ մէջ միշտ խառնում ես
Օտար լեզու, օտար բարբառ,

Խեղճ խօսքերը ծաւրլվելով —
Դառնում են ձիշտ մի նահատակ,
Եւ բերնումը շատ տանջվելով՝
Ջարգվում, ընկնում են ոտքի տակ:

Օտար լեզուվ թէ մտածես,
Եւ բառերը ձիշտ թարգմանես՝
Խօսած կլինես ոչ հայերէն,
Աստուած գիտէ, թէ ի՛նչերէն:

Պէտք է լսես լաւ խօսողի,
Կարգաս մաքուր լեզուով գրքեր,
Եւ սովորած ամէն խօսքի
Տեղ տաս մտքիդ խոր անկիւններ:

II. ԳՐԵԼՈՒ ԿԱՆՈՆՆԵՐ

17. ՈՒՂԱԳՐՈՒԹԻՒՆ



Ըբ զրում ես դու քո դասեր,
Կամ երկու տող քո ընկերին,
Պէտք է գիտնաս հէշտ կանոններ,
Որ զրածներդ ուղե՛ղ լինին:

Կայ գրա համար մի լաւ օրէնք,
Որ կոչվում է ուղղագրութիւն,
Որի վրայ, ուղենք — չուղենք՝
Պէտք է դարձնենք ուշադրութիւն:

Բայց այդ օրհնած ուղղագրութիւն
Հազար ու մի կանոն ունի.
Ո՛ր մէկի վրայ համբերութիւն
Ունենայ մարդ, որ լաւ սովորի:

Դրա համար դու կը յիշես
Մի քանի հեշտ, որո՛շ կանոն,
Որ երբ գրես, վըրան նայես՝
Ուղե՛ղ լինի, ինչպէս քանոն:

Պէտք է զիտնաս, փափուկ*) ջէին
Շատ չէ՛ սիրում մեր նու զիրը.
Սյս պատճառով զրա կողքին
Զգվում է կոշտ րա եղբայրը**):

Ասնել, բանել երբ դու ուզես,
Կամ թէ խառնել որ և է բան,
Ամէն տեղ էլ միշտ կը տեսնես՝
Նուր կողքին պառկած մեր րան:

Երբ «վ» լսվի բառի սկզբին,
Դիր համարձակ միայն * գիր.
Սյսպէս էլ միշտ վէի կողքին
Շարիր ազատ դարձեալ նոյն գիր:

Որդի, *ղնի, *սկոր, *չխար՝
Ինչքան ուզես, լի՛ է աշխարհ.
Նով ու զով ծով միշտ նաւելով՝
Լցվում է կուրծք մաքուր օդով:

*) չին ժամանակ փափուկ «րը» ու կոշտ «ռը», և մեծ «վը» ու փոքր «ւը» չէին ասում. այլ ասում էին ըէ, ոս, վե, չիւն (ւ).

**) Շատութիւն ցոյց տվող բառերի մէջ, երբ վերջաւորութիւնը ներ է՝ նուից առաջ ր է գրվում: Օրինակ. եղբայրներ, կամարներ, հաղարներ...

Ինչ բանից որ երկինք - երկրում
Մէ՛կն է միայն, ո՛չ աւելի,
Նրա անուան վերջին ծայրում
Զէ՛ նստում յին սղորմելի:

Մարդու անունն էլ քեզ ահա՛,
Որի վերջը նստած է ա. —
Ղուբա, Զուղա, Ամերիկա,
Աննա, Մարթա և Ովսաննա:

Եւ այն բառեր, ուր հրաման կայ,
Ու կարձ խօսքեր՝ ծայրումը ա,
Յի գրելու կարիք չը կայ, —
Ասա՛, կարգա՛ և սա, դա, նա:

Զայնաւոր գիր իր աջ կողքում
Նիւն եղբօրն է խիտ շատ սիրում.
Բայց թէ բարդ բառ *) է պատահում,
Մեր վէին է մէջ տեղ բերում:—

*) «Բարդ բառ» այն բառին ենք ասում, որ թէպէտ մէ՛կ բառ է, բայց կազմված է երկու առանձին պարզ բառերից. Օրինակ՝ «արագավազ» բարդ բառը կազմված է «արագ» ու «վագել» բառերից, որոնք միացել են «ա» տառով:

Չաղ հա—, ի՛նչքան ասես, ունենք,
 Թի— ու համար, հաշի— չը կայ.
 Աղնի՛— ընկեր, թող մորթուանք,
 Գեղնից լա— հիւր մեր տուն չի գայ:

Արագաձագ, քաջ նաւաձար,
 Խեղդվողների՛ ես ազատիչ.
 Իսկ մենք ապրենք քաղաքաձար,
 Եւ լինենք լաւ կառավարիչ:

Շատ նեղութիւն տալ չեմ ուզում
 Եւ կանոններ շարան-շարան.
 Թէ կամք ու սէր կայ քեզանում,
 Մի՛շտ կը ճարես դեղ ու դարման:



18. ԵՈՅՆԱՀՆՉԻՒՆ ԲԱՌԵՐ



անուշակից սովորաբար
 Անուշ, ախորժ հոփ է
 զալիս:
 Մեր ցուրտ սարը ամէն
 ամառ
 Ոչխարների հօփ է զալիս:

Ի՛նչ որ կանես՝ արա,
 որդի,

Վատ ընկերօջ հեփ մի՛ մնայ.
 Ի՛նչ որ կանես՝ արա, որդի,
 Լաւ ընկերից յեփ մի՛ մնայ:

Մենք քաղաքին տալիս ենք հարչի,
 Բնակում ենք գետին շատ մօտ.
 Մեր տունն ունի չորս բարձր յարչի,
 Առատ լոյս և խիստ մաքուր օդ:

Էգուց, վաղ-վաղ լուսանալիս
 Ե՛կ, ո՛րքո՞ղ գնանք մեր Սուրբ Սարգիս.
 Իսկ եթէ դու շուտ չը զարթես՝
 Մէկ ո՛րքո՞ղ նստիր, որ մեզ հասնես:

Փողոցների ցեխերն ու աղբ
 Ձեն մաքրվում շաբաթներով:
 Ամբոխի մէջ մտած մի ախր
 Ձէ՛ դուրս գալիս տարիներով:

Սիրում եմ ես «էջ ու կարագ,
 Որով լին է վան ու վարագ.
 Թէ իրար հետ «էջ ունենանք,
 Ողջ աշխարհի տէր կը դառնանք:

Այսօր կը տամ, էգուց կը տամ,
 Շատ ասելով՝ անցնում է ժամ.
 Բայց «Մինչև որ չերը Բը՛նե,
 Մեր «Ճիւանդի հողին Բը՛նե»:



19. Ռ. ԵՒ Ր (ՆՄԱՆ ԲԱՌԵՐԻ ՄԷՋ)



ուրութիւնն էլ, կա-
 ղութիւնն էլ՝
 Թէ մարդու մէջ կայ,
 աչապ է.
 Այս մէկ տարին, ամե-
 նից էլ
 Խօսան ու գարին շատ
 աչապ է:

Անցիր, գնա՛, մի քիչ առաջ,
 Դու կը տեսնես մի բարձր «աչ».
 Աղբիւր կանցնի աչքիդ առաջ,
 Կարկուտի պէս ջուր ունի «աչ»:

Ամէն շաբաթ գիւղ եմ գնում,
 Որ իմանամ մի-երկու լո՛ւր.
 Բայց ամէնքը իրար նայում,
 Բերան փակած՝ նստում են լո՛ւր:

Ամենայն կերպ աշխատում եմ
Մեր հանդէսում ասել մի ճառ,
Բայց ի՛նչքան էլ մտածում եմ,
Չեմ գտնում ես սրան մի ճառ:

Ո՛ւր որ գնաս այս աշխարհում,
Լեզուդ, հաւատ պի՛նդ պահպանիր.
Ծաղկազարդին եկեղեցում,
Մի կանաչ «-» ձեռքի՛դ բռնիր:

Երկընթովը շարան-շարան
Անցնում էր շտապ մի խումբ կո՛ւնի.
Դուրս վազեցի՛ տեսնել նրան՝
Քարի դիպաւ ոտքիս կո՛ւնի:

Շատ ենք հեռու, կա՛րտի՛վ եկէք,
Խառը չը գաք, կա՛րտի՛վ եկէք:
Մեր պարտէզում մի առա՛ւ կայ.
Այո՛ որդիս թող այնտեղ գայ:

Երբ փող ունեմ, ես, ի հարկէ,
Իմ տան վարձը վճարո՛ւմ եմ.
Բայց թէ չունեմ, երբ իմ պարտքն է՝
Տան իրերըս վճարո՛ւմ եմ:

20. «Ռ» ՈՒՆԵՑՈՂ ԲԱՌԵՐ



Կողջ ագրաւ՝ լի է
անտառ.
Գոռող առիւծ փշրեց
մացառ:

Նա գոռում է առանց պատճառ,
Անմեղ գառը՝ լալիս թշուառ:

Այս առաւօտ շատ էր պայծառ,
Միճեհնակը ճրվողում էր.
Կը մնայ մեղ մօտ ամողջ ամառ,
Ու կը թռչի հեռու տեղեր:

Պառաւ տատըս, ժայռին նստած՝
Մէկ համառօտ ասեց առած.
Բայց նա պատմեց և՛ մէկ առակ,
Որով արեց մեղ խայտառակ:

Ես դեռ լիւր չեմ գնացել
Ո՛չ էլ կարծով առու անցել
Մտայել եմ ամառ ձմեռ,
Ախոս, մասան մարուր աւելի:

Արևի վառ ճառագայթներ
Պատարում են մայլ երկինք.
Հալածում են մառախուղներ,
Շուտով բայվում ծառ ու ծաղիկ:

Անգործ պահել ու հառաչել
Ո՛չինչ շնորհք չէ առանձին.
Քառսուն տարի եմ ծառայել,
Չեմ թափառել ամենևին:



21. ՓՈՔՐԻԿ ԱՂՋԻԿ*)

Ի.



Խո՞նս, արդեօք, խելօք մանկիկ,
Որ մեր սրտում քնքշիկ կերպով
Նստած է մի սիրուն աղջիկ՝
Ոտքից գլուխ ճերմակ շորով:

Բայց այդ շորեր այդպէս մա-
քուր

Չեն լինում միշտ և ամէն օր.
Այլ շատ անգամ դիպում է մուր,
Աղտոտում է ըզգեստ բոլոր:

Երբ օգնութիւն ենք հասցրնում
Մեր թշնամուն նոյն իսկ՝ յաճախ,
Փոքրիկ աղջիկն իսկոյն սրտում
Թռչկոտում է ուրախ-ուրախ:

*) Այս ոտանաւորը յօրինել եմ մի ուսուցիչին արձակ
գրուածքից: Վերջին տունը իմ աւելացրածն է:

Բայց երբ մէկին վնաս տալով,
Զրկում ենք իր ունեցածից՝



Աղջիկն այն ժամ խորին վշտով
Արցունք թափում է աչքերից:

Ի՛նչպէս չը լայ, երբ վատ դործից
Սև բիծ է միշտ ընկնում շորին.
Սյնպէս ցիտոա, այնպէս մի բիծ,
Լվանանն է անհրնարին:

Փայլուն շորեր շատ մարդու մէջ
Վաղճւց կորիւ են կեղտի մէջ.
Միջի աղջիկն էլ աննման՝
Պառկած է խոր քնով մահուան:

II.

Հիմա ես քեզ կը պատմեմ այն,
Թէ ի՛նչ արեց մեր չար Լէոն,
Որ մի տղայ էր՝ ճակատը լայն,
Եւ չէր հարցնում նա իմն ու քոն:

Զմեռ օրով կտրին կանգնած՝
Սնցորդների գլխին, մէջքին
Գունդ էր նետում՝ ձիւնից շինած,
Զվարճանում թունդ ցրտերին:

Երբ տեսնում էր սայլապանին՝
Մեծում է իր յոգնած ձիուն,

«Խփի՛ր, կասէր, հանի՛ր հողին,
Թող խէ՛լքի գայ, վաղէ սիրուն»:



Հա՛ւ կը լինէր, որ հէնց քեզ
էլ
Ռէխիզ հասցնէր, չա՛ր սայ-
լապան,
Կը խնդայինք սրտանց մենք
էլ

Կը տեսնէինք լա՛ւ տեսարան»:



Երբ տեսնում էր մտազործին,
Սուր դանակը քսում է յանկարծ
Խեղձ, անլեզու գառան վըզին,
Եւ արիւնը, առատ թափված՝

Կարմիր ներկում, դառնում է լիձ,—
«Այդպէ՛ս, կասէր, և քե՛զ համար
Կը գայ ժամը, անսիրտ դահիձ,
Թող վերջանայ բոլոր աշխարհ»:

Երբ տեսնում էր մի փոքրիկ շուն,
Սրէի տակ, աչքը փակած՝
Քարկոծում էր խեղձ կենդանուն,
Գունչ ու պռունդին տալով հարուած»:

Եւ երբ նրա ձայնը ջաւոտ
Մեծ փողոցի ծայրն էր հասնում,
«Այդպէ՛ս կերգես, կասէր, լակոտ,
Ի՛նչ ես շքնթռեւ այս տաք տեղում»:

Այսպէ՛ս ահա, կէտնը չար
Ս.մենքին էլ նեղացնում էր.
Ուստի մարդիկ քաղաքավար
Թափում էին, ինչպէս հարկն էր:

Եւ մեր Լէոն, այդ գիժ աղայ,
Երբ որ մարդիկ սաստիկ ցրտում
Զրրխկում էին սառցի վըրայ՝
«Օխայ» ասէր և ծիծաղում:

ԻԻԻ.

Սյդպիսի մէկ եղանակին,
Եկեղեցուց նոր դուրս եկած,
Ծերուկ Վարդան փռվեց գետնին,
Գլխով դիպաւ քարին յանկարծ:

«Ի՞նչ պատահեց, ծերուկ ուժեղ,—
Ասեց Լէոն, ծիծաղելով,—
Ո՞վ կը ապ քեզ այդքան մեծ տեղ,
Որ բռնել ես երկու ձեռքով»:

Ծեր Վարդանը փորձեց կանգնել,
Որ արդէն նրան քիչ աջողվեց.
Բայց հէնց նոր էր նա կանգ առել՝
Սահեց սաքը, կրկին փռվեց:

Իսկ չար Լէոն միշտ ծաղրում էր.
«Պապի՛կ, արդէն թաւալվում ես.—

«Սրբած է դա» մարդիկ կասեն.
Բանա կը տանեն, իմանում ես»:

Երկար տանջվեց մեր խեղճ ծերուկ,
Ու վերջապէս ուժից ընկաւ.
Աղի-աղի ու տաք արցունք
Թափում էր նա գետնին խոնաւ:

«Վրրաս նայող մէկը չը կայ,
Հասել է և իմ ժամանակ.
Ս.ստուած, ասեց, էլ ուժ չը կայ,
Թող պառկե՛մ ես սե հողի տակ»:

Իսկ անցորդներ, հեռանալով՝
«Մեր ծերուկը լաւ է կոնծել*»,—
Ստում էին, վրան նայելով,—
Լուսանալուն չէ ըսպասել»:

Կահուղ ձիւնն էլ փաթիլ-փաթիլ
Ծածկում էր մեր խեղճ ծերուկին.
Եւ մէկ-մէկ էլ կաթիլ-կաթիլ
Իջնում նրա սառած գլխին:

*) Կոնծել նշանակում է՝ գինի կամ օղի կուլ պցել:

«Էյ, պապիկ դու, տղան կանչեց,—
 Կը սառչես շուտ, այ խուլ պառաւ»:
 — «Վեր կայրու դրան» սիրտը ասեց:
 — «Չե՛մ վեր կայնի» ջուղաբ*» առաւ:

Ծերունին շատ ծանր էր շնչում.
 Իսկ մարդիկ, նրան հանդիպելով՝
 Սառ նայում էին ու հեռանում,
 Չը դիպչելով խեղճին մատով:

«Տես անպիտան այս շներին,—
 Ասեց Լէոն, բարկանալով.—
 Չեւքները խի՞ստ կը կոտորովին,
 Թէ վեր կայնեն սրան շուտով»:

Նա խոնարհեց, սառած մարդուն
 Վեր բարձրացրեց բոլոր ուժով:
 «Պի՛նդ բռնիր ինձ, այ խեղճ ծերուկ»
 Ասում էր նա, սահ-սրհելով:

*) «Չուղաբ» [Թիւրքերէն բառ է. նշանակում է՝ պատասխան. «Չուղաբ առաւ» նշանակում է՝ «պատասխան ստացաւ»):

Նա կանգնեցրեց Վարդան պապին,
 Տւեց ձեռքը իր գաւազան.
 Գլխարկն առաւ, ծածկեց գլխին՝
 Դէպի իր տուն տարաւ նրան:

«Ապրես, որդեակ, դառնաս իմ տարս»
 Ծերուկն ասեց, տաք օրհնելով.
 Լուեց Լէոն, ինչպէս մի հարս,
 Ու դուրս վազեց, կարմրելով:

«Յրտիցն է այս» նա ասում էր,
 Շունչ էր քաշում ծանր կերպով.
 Դէս-դէն ընկնում, օրօրվում էր,
 Պատահածը չիմանալով:

Բայց նա յանկարծ շատ պարզ ըզզաց,
 Փոքրիկ աղջկն ինչպէս սրտում
 Վեր-վեր ցատքեց, ուրախ խաղաց,
 Թռչնիկի պէս, զարթած՝ բնում:

Ցատքեց աղջիկ Լէոնի մէջ,
 Ուրախ արցունք թափեց աչքից.

Քնքշիկ ժրպտաց այդ լացի մէջ,

Տղի խելքը տարաւ
զլիւից:

Փայտի սիւնին Լէօն
յնովեց,
Բռնեց զլուխը երկու
ձեռքով,
Ս'յնպէս յանկարծ և
պինդ լացեց,
Տարածվեց ձայն ողջ
փողոցով:

«Լացի՛ր, լացի՛ր —
սիւնը ասեց —
Դու իրաւունք ունես
լալու.
Քո արած զործ բարձր
հընչեց,
Խօսք չեմ
զանու՛մ՝
քեզ զովի-
լու»:



«Լացի՛ր, Լէօն, ասեց արև,
Որ վառվում էր զլիւի վերև,—
Կը ցամքեցնեմ քո արցունքներ,
Ուրախ են և՛ լուսին, աստղեր»:

«Լացի՛ր, ասեց զեօին սառած,—
Սնորբ են քո այդ արտասուքներ»:
Իսկ աղջիկը՝ ուրախացած՝
Երգ էր երգում մեղմիկ ձայնով:

«Մի՛ թրուզկոտար — տղան ասէր,
Սրտասեղը պինդ սեղմելով.—
Իմ արածը չնչին բան էր,
Մի՛ ցատքըտիր, այն տեսնելով:

Գիտե՛ս, ասեց բարկանալով,
Իմ արածը թող մո՛լթ մնայ.
Որ լինեմ ես հանդիստ հոգով՝
Ձե՛մ ուզում, որ մէ՛կն իմանայ»:

Սյդ աղջիկն է միշտ, ամէն օր
Դատում արդար ու մեղաւոր.
Կարէք ասել՝ նա ի՛նչն է մեր,
Որ քննում է մեր արածներ:



ՀԵՂԻՆԱԿԻ ԳՐԱԽՈՐ ՎԱՏԱԿՆԵՐԸ

Ա. Դասագրքերը.

1. Ընտիր Հատուածներ, Ա. մաս — արձակ, չորրորդ տիպ, 475 էջ, Գինն է 1 ռ.:
2. Ընտիր Հատուածներ, Բ. մաս — Բանաստեղծութիւններ, ա. տիպ, 476 էջ, Գինը՝ 1 ռ. 25 կօպ.:
3. Հայոց լեզուի ուսուցիչ, Դ. տարի, չորրորդ տիպ, 312 էջ, Գինը՝ 60 կօպ.:
4. Հայոց լեզուի ուսուցիչ, Գ. տարի, չորրորդ տիպ, 142 էջ, Գինը՝ 40 կօպ.:
5. Հայոց լեզուի ուսուցիչ, Բ. տարի, երկրորդ տիպ, 144 էջ, Գինը՝ 35 կօպ.:
6. Համառոտ Քերականութիւն, Ա. մաս — Նախադասութիւններ և Մասունք Բանի, 54 էջ, Գինը՝ 20 կօպ.:

Բ. Կրօնական զրուածքները.

7. Յիսուս Քրիստոսի Մկրտութիւնը, 36 էջ, Գինը՝ 8 կօպ.:
8. Չարչարանքի շարածը, (վեց պատկերով), Գինը՝ 15 կ.:
9. Պարզ Քարոզներ, Ա., 75 էջ, Գինը՝ 15 կօպէկ.:
10. Պարզ Քարոզներ, Բ., 92 էջ, երկ. տիպ, Գինը՝ 15 կ.:
11. Պարզ Քարոզներ, Գ., 120 էջ, Գինը՝ 20 կօպէկ.:
12. Պարզ Քարոզներ, Դ., 110 էջ, Գինը՝ 20 կօպէկ.:

Գ. Այլ և այլ զրուածքները.

13. Հայոց Առաջին Ընդհանուր Ուսուցչական Ժողովի Պատմութիւնը, 170 էջ, Գինը՝ 50 կօպէկ.:
14. Նախապաշարմունք, Հատոր Ա., 84 էջ, Գինը՝ 50 կօպ.:
15. Աննկղոտներ, Հատոր Ա., 223 էջ, Գինը՝ 50 կօպէկ.:
16. Աննկղոտներ, Հատոր Բ., 153 էջ, Գինը՝ 50 կօպէկ.:
17. Աննկղոտներ, Հատոր Գ., 250 էջ, Գինը՝ 50 կօպէկ.:
18. Պօլուիմպէրիալ, (Մանկ. պիէս) 42 էջ, Գինը՝ 20 կ.:
19. Երկու Տօնածառ, 24 էջ, Գինը՝ 20 կօպէկ.:
20. Օրացոյց (ընդարձակ յաւելուածով), 1887—1895.:
21. Ոտանաւորներ (երեխաների համար), 1903, Գինը՝ 50 կ.:

Հեղինակի հասցէն. Москва, Свящ. Э. Назарьянцъ.

Երես.

9. Ես սիրում եմ լուսնեակ՝
(Պէտք է լինէր՝)
Ես սիրում եմ պարզ լուսնեակ՝
40. Ի՞նչ կը լինի Քո սուրբ օրհնանք»:
Ի՞նչ կը լինի Քո սուրբ օրհնէնք»:
19. Ծառերի ձիւղ, ոստ'ին փռում,
(Նշանակում է՝)
Ծառերի ձիւղ, ոստ էին փռում,
39. Քուն'ին մանուկ, մտածելով՝
Քուն էին մանուկ, մտածելով՝
21. Գերեզմաննիդ օրհնել պիտ' տամ:
Գերեզմաններդ (Ձեր գերեզմանները) օրհնել
պիտի տամ:
25. Մէր Հայր, որ է՛ն բարձրումն ես,
Մէր Հայր, որ ամենաբարձր տեղումն ես,

— † Գ Ի Ն Ն Է † —

ԱՌԱՅ ԿԱԶՄԻ — 50 ԿՕՊԵԿ. ԿԱԶՄՈՎ — 75 ԿՕՊԵԿ:



Հեղինակին դիմողները ճանապարհածախս չեն վճարում:



«Ազգային գրադարան»



NL0399941

11711

